



漢書門	一 二 六 〇 八	類 號 函 架 冊
-----	-----------------------	-----------------------

內閣文庫	漢書	一 二 六 〇 八	類 號 冊 架 函
三〇〇	一六〇	一六〇	一六〇
函架	冊架	冊架	冊架

廿九冊

內閣文庫	
番號	漢 12608
冊數	160 (35)
函號	300 211





重校聖濟總錄卷二十九

震澤汪鳴珂瑤圃全弟鳴

程 勛懋哉校訂

傷寒門

傷寒壞病 傷寒狐惑 傷寒百合

傷寒陰陽易 傷寒鼻衄

傷寒壞病

論曰傷寒太陽病三日已發汗吐下溫針仍不解者多變為壞病太陽病轉入少陽已吐下發汗少

陽證罷此為壞證知犯何逆以法治之此治傷寒病在諸經絡發汗吐下而病證不除又感客氣有寒暑燥濕風之同病亦隨變故謂之壞病又有傷寒過經再受邪熱留蓄臟腑病候多變者及傷寒解後虛羸少氣餘證未除者皆謂之壞病

知母麻黃湯方 治傷寒壞病瘥後或十日二十

日終不惺惺精神昏語言亂又無寒熱醫作鬼祟或作風病多端治藥弗効或朝夕潮熱顛赤或似瘧由發汗未盡餘毒在心包絡間所致

知母兩半 白芍 麻黃 甘草 片苓 桂

心五錢暑月減半

水煎五錢半日內可相次三服取汗未汗再服若心煩不眠欲飲水者稍稍與之令胃中和即愈

升麻湯方 治傷寒壞病經數日不瘥諸藥不能除

升麻 鼈甲 片苓 枳殼 犀角 葛根
三烏頭 甘草 前胡五錢

水煎五錢入生地汁二合溫服

鼈甲湯方 治傷寒壞病經半月不解

鼈甲 柴胡 升麻 片苓 枳實 犀角

一兩 烏梅肉 五錢 甘草 五錢

水煎五錢入生地汁二合溫服

麥奴丸方 治傷寒壞病醫不能治熱在胸中不

能言語

麥奴 大黃 麻黃 片苓 梁上塵 竈

底墨 二兩 朴硝 兩半

共末鍊蜜為丸如彈子大新汲水下一丸如渴

當極飲不欲水亦強飲之須臾必寒寒已汗出

麝香丸方 治傷寒壞病冷熱相搏心下結胸滿

氣急大便不利體變黃青黑如桃枝色四肢逆

冷熱結在內不可服湯飲

麝香 五錢 猪苓 朴硝 大黃 芫花 甘

遂 商陸 一兩

共末鍊蜜為丸如棗豆大食前溫湯下十丸

黑奴丸方 治傷寒壞病頭與骨肉俱疼狂言妄

語醫所不治

麻黃 片苓 甘草 芒硝 竈突墨一兩

豉炒一合

共末鍊蜜為丸如彈子大新汲水下一丸 考

此丸與陽毒黑奴丸不同

大効丸方 治傷寒壞病

烏頭 附子 人參 細辛 紫朴 烏蛇

酒浸去皮骨炙 豆蔻 木香 全蝎水洗去翅足炒 不灰

木 礪砂水飛去土石煮過 乳香 膩粉 赤茯苓

檳榔 胡桐淚各一分

共研為細末擣丸如梧桐子大陽氣盛牛黃膩粉水下十丸如陰盛發厥心胸結否煎柳枝湯下十丸

麥冬湯方 治傷寒壞病經久不瘥潮熱不退身

體沉重昏憤煩悶

麥冬 赤茯苓 甘草 鼈甲醋炙一兩

水煎三錢入烏梅肉一枚小麥五十粒溫服日

二

前胡湯方 治傷寒壞病潮熱不退頰赤口乾煩躁神思昏塞煩悶經久不瘥

前胡二兩 人參 常山 葛根 柴胡一兩

炙甘草三分

水煎三錢入烏梅肉一枚生薑三片溫服日二

傷寒狐惑

論曰狐惑之病初得狀似傷寒或因傷寒而變皆蟲症也蟲蝕其喉為狐使人聲啞蟲蝕其下部為惑使人咽乾其候皆默默欲眠不得卧起居不得

安惡飲食面目乍赤乍白乍黑是也由傷寒病腹內熱飲食少腸胃空虛而蟲為之不安故隨食上下部而病名狐惑也

赤小豆當歸散方 治傷寒變成狐惑脉數無熱微煩默默欲卧汗出得之三四日眼赤得之七八日目四眦黑能食者膿已成也

赤小豆一升 川歸一兩

共末水煎三錢溫服日二

羚羊角湯方 治傷寒不解十日以上成狐惑腹

脹面赤思聞食臭

羚羊角 大腹 柴胡 朴硝五錢 石膏

桑白皮一兩 萎蕤三分

水煎五錢日二服

黃芩湯方 治傷寒不發汗變成狐惑脈數無熱

微煩二目赤但欲眠睡咽乾不能食

片苓 射干一兩 甘草 竹茹 知母 前

胡五錢 川連炒三分

水煎五錢日二服

犀角湯方 治傷寒已發汗後變成狐惑毒氣發

盛惡飲食咽乾痛胸脇滿悶

犀角三分 白芍 川連 木通 木香 射

干 枳實炒麩 半夏五錢

薑棗水煎五錢溫服

桃仁湯方 治傷寒狐惑蟬病

桃仁炒 熟艾 槐子炒一兩

棗水煎三錢日二服

知母湯方 治傷寒狐惑咽喉痛唇口破唾膿血

知母一兩 石膏二兩 片苓 甘草三分

水煎五錢入粳米一撮服

黃連犀角湯方 治傷寒病後瘡出下部

川連五錢 犀角一兩 木香一分 烏梅七枚

水煎三錢日二溫服

木通湯方 治傷寒陰陽不和受成狐惑目如鳩

赤面色斑紋如錦

木通一兩 甘草 桂心 細辛五錢 吳茱萸

洗炒 三兩

薑棗水煎五錢入蔥白五寸溫服

前胡湯方 治傷寒不發汗變成狐惑六七日不

解寒熱未去胸脇滿悶默默欲睡不欲食心煩

善嘔腹痛

前胡一兩 半夏 人參一兩 片苓 甘草三分

薑棗水煎五錢溫服

半夏湯方 治發汗不解成狐惑寒熱無常心中

躁悶不欲食

半夏 木通 附子 片苓 枳殼 桃仁

葛根

桂心

五錢

羚羊角

升麻

一分

麻

黃三分

薑棗水煎五錢溫服

薰湯方

治傷寒不發汗成狐惑病在陽日惑在

陰日狐其狀默默欲起則不安咽乾惡聞食臭

面或赤或白聲微弱先宜服此湯

零陵香

川連

炒等分

水浸五錢一日次日煎薰服日二

雄黃導氣湯方

治傷寒狐惑下部蟬瘡

雄黃

青箱子

川連

苦參

五錢

桃仁

一分

共末生艾汁和如棗大綿裹導下部蓄汁更好

冬月無艾蓄用根

皂莢丸方

治傷寒已發汗下利不解心煩躁悶

壯熱大腸不通咽喉乾痛變成狐惑

皂莢

二條去皮子慢炙黑

大黃

五錢

木香

檳榔

一分

共末鍊蜜為丸如梧桐子大薑茶湯下二十九

雄黃丸方

治傷寒成狐惑微煩默默欲臥毒氣

上攻咽乾聲啞下蝕濕蟬或便膿血

雄黃 川歸分三 麝香 蘆薈分一 檳榔錢五

共末糊丸如梧桐子大米飲下二十九日三

柴胡散方 治傷寒狐惑神思昏亂大便難肌膚

熱

柴胡 大黃炒 赤芍 枳實 檳榔兩一

半夏錢五

共末苦練根湯下二錢

甘草瀉心湯方 治傷寒狐惑蟲食上部聲啞

甘草兩四 片苓 人參 乾薑兩三 川連兩一

半夏兩二

薑棗水煎三錢日二服

地榆湯方 治不發汗變成狐惑毒氣上攻咽喉

疼痛下利不止

地榆 川連 木香錢五 甘草 阿膠分一

白朮分炒三

薑棗水煎五錢日二服

撩膈湯方 治傷寒狐惑病在上焦

苦參兩一 甘草錢五

水煎作一服五更服良久即吐

薰洗四皮湯方 治狐惑攻下部肛內生瘡

槐白皮 柳白皮 桑白皮 桃白皮 二兩

水煎四味薰洗下部

檳榔丸方 治未汗變成狐惑毒蝕肛門痒不止

下膿血

檳榔 丹砂 五錢 麝香 一錢 杏仁 四十九枚炒

共末用飴糖和如棗核大先用椿根槐白皮各二兩水煎洗肛門將藥內之

雄黃薰方 治狐惑蟲食下部肛外如蟻痛痒不


止

雄黃 研五錢

用瓶一個口稍大者入灰半瓶灰上放火將黃末燒之候烟出坐瓶口上薰之良

傷寒百合

論曰傷寒百合者謂百脉一宗悉致其病也其狀欲食復不能食常默默欲得卧又不能卧欲出行又不能行食亦有時美亦有時不美如有寒又如



無寒如有熱又如無熱口苦小便赤黃得藥則吐利者是也此由傷寒及大病後臟腑俱虛榮衛耗弱不能平復變成斯病然以百脉一宗悉致其病又無復經絡故其病症變異治之各隨其症

百合滑石代赭湯方 治傷寒百合已經下後

百合五枚 滑石一兩 代赭如彈子大碎研

水洗百合浸一宿更水煎一鍾又以水煮二味和煎分二服

百合鷄子湯方 治傷寒病吐之後

百合七枚 鷄子黃一枚

水漬百合一宿更水煎去渣入雞子黃攪服

百合知母湯方 治傷寒已經汗後

百合七枚 知母一兩

水浸百合一宿更水煎分二服

百合滑石散方 治傷寒變發熱

百合一兩 滑石一兩

共末空心飲下二錢日二

百合地黄湯方 治傷寒已經汗吐下後病形如

初

百合七枚 生地黃汁一錢

水煮百合取汁和生地汁溫服中病勿更服大

便當如漆

百合半夏湯方 治傷寒病不瘥不思食欲成勞

百合二兩 半夏 人參 赤茯苓 川連炒

知母一兩 生地兩半

薑水煎五錢日二溫服

百合柴胡湯方 治傷寒病不瘥不思食欲成勞

百合二兩 柴胡 知母 川連 秦艽 括

樓一兩 甘草五錢

薑水煎五錢日二溫服

百合紫苑湯方 治傷寒病似勞形狀如瘧

百合二兩 紫苑 柴胡 杏仁 白茯苓

半夏 甘草等分

薑水煎五錢日二溫服

厚樸散方 治傷寒百合病補陰養陽

紫樸薑汁炒黑 桃仁炒去黑皮 杏仁炒去尖一兩 紫石英研

白鮮皮洗

五加皮洗

桑白皮炙五錢

共末蔥白粥米飲下二錢日二

百合前胡湯方

治傷寒瘥後已經二七潮熱不

解將變百合身體沉重無力昏如醉

百合三枚

前胡

升麻兩半

麥冬五錢

葛根

二兩石羔三兩

水煎五錢熱服少頃又服又傷寒瘥後十餘日

潮熱不退身體沉重昏昏如醉名前胡湯主之

藥味皆合但分兩不合

半夏湯方

治傷寒百合下利不止心中悞悞堅

而煩嘔

半夏三兩

百合

片苓兩半

人參

川連炒

乾薑一兩

甘草五錢

薑棗水煎五錢熱服日二

傷寒陰陽易

論曰凡傷寒大病後氣血未復若房事太早不特令病人勞復因爾染易男病傳女女病傳男由轉易然故名陰陽易其狀身體重少氣熱上冲胸頭

重不能舉目眩四肢拘急苦小腹急痛力弱著床不能轉側舉動憑人不急治則死或經歲月漸至羸困亦死

枳實湯方 治傷寒勞復陰陽易

枳實 山梔 一分 豉 炒二分 雄鼠糞 二十七粒炒

水煎二服未効又服

荊芥湯方 治陰陽易驚氣欲絕

荊芥穗 鷄肫皮 炙五分 桑螵蛸 一分 雄鼠 一枚

連皮骨燒 灰另研

水煎五錢入葦白煎去渣入鼠灰一錢服日二

木香丸方 治傷寒病未平復強合陰陽毒氣感

動身體熱氣冲胸頭重難舉四肢拘急小腹切痛筋脉舒緩氣力疲乏卧不着床搖動甚者手足拳即死

木香 柴胡 附子 菴蓉 川歸 石膏

一兩 菱蕤 生地 白朮 沉香 犀角 三分

川芎 香附 檳榔 人參 白茯苓

杜仲 知母 五錢

共研細末鍊蜜爲丸如梧桐子大空心酒下三十丸晚再服

燒棍散方 治傷寒陰陽易身腫氣少小腹急陰中拘攣熱上冲胸頭重不欲舉眼目生花膝脛拘急

女人中棍

取對陰戶所水洗燒灰研末女人病取男人者

水服方寸七日三服小便利陰頭腫愈

立効湯方 治陰陽易身重小腹裏急陰頭微腫

韭白

一把

雄鼠糞

二十七枚炒

水煎一日服汗出愈

石膏湯方 治陰陽易頭痛壯熱

石膏

二兩

竹茹

五錢

荆芥穗

一兩

水煎三錢稍熱服日二

萎蕤湯方 治陰陽易氣冲心胸頭重不舉

萎蕤

一兩

木香

三分

桂心

三分

荆芥穗

五錢

雄

鼠糞

二十七枚炒

水煎五錢溫服日二

豐本湯方 治傷寒陰陽易頭重百節解吸吸少

氣不能着床搖動甚者手足拳陰腫

葑根 括樓二兩 竹茹 乾薑五錢 雄鼠糞

二十七枚炒

水煎五錢溫服日二

二灰散方 治傷寒陰陽易

手足指甲二十大片男病用女女病用男 裩襦布水洗一片男病用女

女病用男

燒灰研末分三服酒下

犀角湯方 治病未平復陰陽易壯熱頭痛鼻出

血

犀角 竹茹 丹參 葛根一兩 石膏三兩

水煎五錢日二

杜仲散方 治傷寒病未平復陰陽易力劣汗出

鼻衄頭痛

杜仲二兩 牡蠣燒紅醋淬三次研二兩

共末濃煎麻黃根湯空心下二錢晚再服

傷寒衄血

論曰傷寒衄血者由熱氣蘊甚血溢妄行蓋心生

血肝藏之肺主氣鼻則通之心肺為熱邪所傷則血隨氣妄行所以從鼻出也人謂陽盛則衄者蓋陽盛則熱盛熱盛則宜衄故傷寒太陽症衄血乃解謂是故也至於陰病則不宜衄蓋陰症自無熱安得而衄故少陰病但厥無汗強發之必動其血或從口鼻耳目出者是謂下厥上竭為難治

黃芩芍藥湯方

治傷寒鼻衄脉微

片苓

三分

白芍

甘草

五錢

水煎三錢溫服

犀角地黄湯方

治傷寒溫病應發汗內有瘀血

鼻衄吐血面色黃大便青黑

犀角

丹皮

一分

生地

半斤

白芍

三分

水煎五錢空心溫服有熱如狂者加片苓二兩其人脉浮大來遲腹不滿而自言滿者為無熱去片苓不用

茅花湯方

治傷寒衄血不止

茅花

水煎濃汁溫服如無花以根代之

黃連散方 治熱病鼻衄不止或兼吐血

川連 竹茹 伏龍肝三分 片苓一分 山梔

甘草炙五分

薑棗水煎五錢入生地汁半合亂髮灰五分一

沸食後服

竹茹湯方 治衄血不止

竹茹 片苓一分 蒲黃 伏龍肝五錢

水煎五錢入藕汁一合溫服

犀角湯方 治衄血不止頭面俱熱

犀角 大青 甘草三分 生地 朴硝二分

片苓 白芍兩半 升麻 小薊 紫蘇兩一分

水煎三錢溫服

阿膠湯方 治衄血不止此陽毒攻肺

阿膠 片苓一分 蔥白五寸 熟艾五錢 豉十四

炒九粒

水煎溫服作一服入生地汁一合

刺薊湯方 治傷寒衄血吐血心中堅硬一身疼

痛四肢煩悶

刺薊 麥冬 生地一兩 竹茹 紫蘇 赤

茯苓五錢

薑棗水煎五錢溫服

黃芩湯方 治衄血不止

片苓 山梔 大黃炒 蒲黃 荆芥穗一兩

水煎三錢溫服

金黃散方 治衄血不止

鬱金 甘草五錢 川栝 黃藥子一分

共末冷水下二錢以止為度

鈎藤湯方 治頭痛壯熱血衄不止

鈎藤一兩 山梔 甘草三分 桑白皮 馬牙

硝一兩 大黃酒炒 片苓兩半

水煎三錢入竹葉三七片生地汁一合溫服

竹茹湯方 治衄血不止

竹茹 生地

水煎五錢溫服

羚羊角湯方 治肺熱血衄不止

羚羊角 犀角 麥冬 山梔 紫苑三分

牛黃 元參一分 人參 黃耆 甘草五錢

赤茯苓一兩

水煎五錢日二溫服

前胡湯方 治內熱衄血痰壅吐逆

前胡 陳皮 白朮 甘草 半夏 大腹

皮 旋復花 赤茯苓 桔梗五錢

薑棗水煎三錢溫服

黃土湯方 治衄血去五臟熱毒

黃土者 白芍 川歸 片苓 甘草 川

芎三分 生地兩半 桂心一分 竹茹五錢

水煎五錢溫服

髮灰散方 治衄血不止

髮灰 麝香等分

同研極細新汲水下一錢又吹鼻中少許

四生飲方 治衄血心胸煩悶

生地汁三合 生藕汁二合 生薑汁半合 白藥子一分

生刺薊汁一合

五共微溫分二服

升麻湯方 治衄血不止頭痛壯熱

升麻 紫蘇 白芍一兩 青蒿 犀角 芒

硝三分

水煎三錢入生地汁一合溫服

苦藥散方 治血衄一二斗不止

苦藥不拘多少

研末用新汲水下一錢

地黃飲方 治血衄不止

懷生地黃汁二合 白蜜三合

攪勻頃服即愈

生地汁飲方 治時疾壯熱頭痛血衄不止

生地汁 生藕汁 生薑汁 白生蜜各二合

和勻分三服微煎食後臥服

重校聖濟總錄卷三十一

重校聖濟總錄卷三十

震澤汪鳴珂瑤圃全弟鳴鳳蘭圃校

程 助懋哉校訂

傷寒門

傷寒吐血 傷寒瘀血 傷寒口舌生瘡

傷寒舌腫脹 傷寒咽喉痛 傷寒毒攻手足

傷寒吐血

論曰傷寒吐血者熱在陽經邪盛於表應汗而不汗熱毒入深結於五臟遂成瘀熱薰蒸於上焦血

重校聖濟總錄 卷三十一 傷寒門 一 燕京堂

隨氣妄行并入胸中胃得血則滿悶氣逆故爾吐血也

麥冬湯方 治傷寒頭疼手足煩熱吐血不止

麥冬兩半 生地 片苓 甘草 吳藍 茅

根 薺芩兩一

水煎五錢入豉百粒溫服

蒲黃湯方 治疫病吐血不止面黃乾嘔心神煩

躁

蒲黃 犀角 葛根 甘草 桑寄生三分

水煎五錢溫服

地黃湯方 治傷寒熱病當發汗而不發內有瘀

熱衄吐不止

生地 白芍 犀角兩一 丹皮三分

水煎五錢溫服

犀角湯方 治吐血不止喜怒如狂熱毒不散內

有蓄瘀

犀角 白芍 片苓兩一 大黃炒 丹皮三分

生地兩半

水煎五錢食後服日二

黃芩湯方 治傷寒吐血心神煩悶

片芩三分

山梔

桂心五錢

遠志一分

川連

青竹茹三分

水煎五錢食後服

黃連湯方 治吐血不定由心肺積熱血得熱即

妄行

川連

炒兩半

荷葉

微炒一兩

熟艾葉

微炒五錢

側柏葉

微炙

三分

水煎五錢入生地汁一合溫服

三黃湯方 治心氣不定吐血衄血

大黃

炒

川連

片芩

等分

水煎五錢溫服

紫河車散方 治吐血煩躁

紫河車

瓦上炙三分

朴硝

甘草

五錢

蛤粉

一分

共末新汲水和沙糖下二錢日二夜一

金花散方 治傷寒吐血不止

鬱金

甘草

青黛

五錢

共末雞子白和二錢空心下

地黃散方 治傷寒吐血不止

大黃炒一兩 冰片一錢

共末生地黄汁和二錢空心下

人參湯方 治吐血下血及血汗

人參 白芍 桂心 川芎 甘草 當歸

桔梗炒 竹茹三分

水煎五錢空心服

蜜汁方 治傷寒病後餘毒不解心臟熱極吐血

者

生藕汁 生地黄 惡實根汁 刺薊根汁

各二合 生白蜜一合

共和勻頻頻溫服一二合

傷寒瘀血

論曰傷寒病在表當汗不汗邪無從出熱結在裏皆成瘀血然太陽病不解熱結膀胱其人如狂者少腹硬滿小便自利下血乃愈又陽明病其人喜忘者本有瘀血大便雖硬反易下其色必黑或赤

病人腹不滿反自言其滿者亦為瘀血在裏皆宜下之待瘀血得下即愈診其脉沉結者亦瘀血病也

抵當湯方 治傷寒陽明症喜忘者必有蓄血所以然者本有瘀血故令善忘大便雖硬反易其色必黑

水蛭 三十枚去翅足炒 蟅蟲 三十枚去翅足炒 桃仁 二十一枚去皮尖炒

大黃 炒一兩

水煎五錢空心服不效更服

桃仁承氣湯方 治太陽病不解熱結膀胱其人

如狂血自下者愈其外不解者尚未可攻當先解其外外已解但少腹急結者乃可攻之

桃仁 十二枚炒 大黃 一兩 桂枝 甘草 芒硝 五錢

水煎五錢去渣入硝再沸分三服

桃仁丸方 治用藥不解發熱如狂少腹滿脉沉結者內有瘀血

桃仁 微炒 水蛭 炒微焦 蟅蟲 去翅足炒一分 大黃 生二兩

共末鍊蜜為丸如梧桐子大桃仁湯下二十九

下瘀血爲効未下再服

大黃芍藥湯方 治太陽病隨經入裏瘀熱內積

蓄血喜忘如狂

大黃炒五錢 白芍 丹皮 犀角一兩 生地兩半

水煎五錢溫服

芍藥湯方 治傷寒數日不汗內有蓄血此即犀

角地黃湯

白芍 丹皮 犀角一兩 生地兩半

水煎三錢稍溫服日二

芍藥地黃湯方 治傷寒病溫應發汗而不發內

有蓄血及衄血吐血不盡面色黃大便黑

白芍三分 地黃 丹皮二兩 犀角一兩

水煎三錢入生地汁三合再沸服日二如發狂

加黃芩一兩

大黃湯方 治傷寒病內有瘀血大便不利小腹

急痛

大黃炒一兩 桃仁炒 木通五錢 水蛭糯米炒一分

共末水煎二錢溫服

傷寒口舌生瘡

論曰傷寒口舌生瘡此脾經受熱薰於口舌又或因冬時發汗吐利後重亡津液表裏俱虛熱勢不已毒氣攻於上焦致口中糜爛生瘡

升麻湯方 治口舌瘡赤爛

升麻兩一 麥冬分三 丹皮 甘草錢五

水煎五錢入竹葉二十一片大棗二枚溫服日二

苦酒湯方 治少陰病咽中生瘡語聲不出

半夏枚十四 雞子一枚去黃留白入苦酒於蛋中

右以半夏同苦酒入於殼內放剪刀環中安火上煮二沸少少含咽

大青煎方 治病後下冷上熱口舌生瘡

大青 升麻 射干去毛 竹葉 山梔兩一

元參分三 川栝蜜炙五錢 生地汁 白蜜半升 薺

微根兩二

水五升煎一升去渣入蜜汁再沸如稠餈頻以半匙含化

黃栢湯方 治心臟熱舌裂口生瘡

黃蘗炙 大青 龍胆 生地 元參五錢

升麻一兩 射干三分

水煎五錢竹葉七片入蜜一合

羚羊角湯方 治病後餘熱上冲口舌生瘡

羚羊 射干三兩 麥冬三兩 白芍 木通 蘆

根三兩 升麻兩半

水煎五錢食後服

柴胡湯方 治乍寒乍熱骨節疼口舌生瘡

柴胡一兩 升麻 白芍二分 甘草 片苓

麥冬三分

薑棗水煎五錢入豉百粒蔥五寸

黃連湯方 治口舌生瘡

川連兩半 大黃 甘草 升麻三分 片苓

水煎五錢入竹葉三七片服

芍藥湯方 治心熱口瘡久不瘥

白芍 片苓 甘草 羚羊角一兩 升麻二兩

大青三分 黃蘗炙五錢

水煎五錢入竹葉三七片蜜半合三沸服

秦芫湯方 治口内生瘡小便赤手足煩熱

秦芫 柴胡 大青兩一 升麻 片苓 甘

草三分 虎杖五錢

水煎五錢入蔥白五寸豉百粒

犀角湯方 治心有虛熱滿口生瘡

犀角 元參兩一 片苓 甘草 胡黃連五錢

水煎五錢入竹葉三七片溫服

曰蒺藜散方 治脾胃積熱唇口帶瘡

白蒺藜炒去刺 白扁豆炒二兩

共末茶下二錢

黃蘗煎方 治心熱口生瘡

川蘗兩一

共末入蜜三兩和勻慢煎如飴含化少許良久

吐涎日三五度覺胸中似有瘡者蜜水下二錢

地黃煎方 治心熱口舌生瘡

生地汁三合 生白蜜五合

和勻慢煎如稠飴含化半匙日三四

傷寒舌腫脹

論曰傷寒舌腫脹者病在三陰也太陰之脉連舌本散舌下少陰之脉循喉嚨挾舌本厥陰之脉循喉嚨之後又手少陰心經其氣通於舌凡此經絡為風熱所乘隨脉至舌熱氣留於血血氣壅澀故令舌腫脹胗其脉數急者是其候也

升麻湯方 治熱病咽喉壅塞連舌根腫痛乾嘔
頭疼不下食

升麻 枳殼 片苓 犀角 葛根 薑甲

前胡 甘草 烏頭等分

水煎五錢入竹葉少許服

馬蘭根湯方 治咽喉閉寒連舌腫小便赤澀

馬蘭根 升麻 元參一兩 木通 犀角五錢

射干 瞿麥三分

水煎三錢日二服

木通湯方 治熱病喉嚨閉寒連舌根腫痛熱氣聚於胸中

木通 絡石 朴硝一兩 山梔 竹茹 射

于升麻 元參 犀角五錢 白芍 桔梗

三分

水煎三錢溫服

又方

升麻 麥冬 石膏一兩 竹茹 木通 黃

蘖五錢 朴硝二兩 元參 前胡三分

水煎五錢溫服

地黃湯方 治心脾氣熱喉生瘡舌根腫涕唾不

下食

生地二兩 竹茹 紫蘇 赤茯苓一兩 元參

三分 麥冬兩半

水煎五錢日二服

犀角湯方 治脾肺虛熱毒氣壅塞喉咽連舌根

腫痛

犀角 川歸 白芷一兩 升麻 甘草 杏

仁 射干五錢

水煎五錢日二服

羚羊角散方 治心脾風熱舌腫口瘡喉痛口吐

涎沫

羚羊角

川栢炙

大黃炒

甘草

元

參三分

共末竹葉湯下一錢

參歸湯方

治上焦虛熱毒氣壅塞咽喉腫痛

元參

川歸

射干

一

水煎三錢日二服

青連湯方

治舌腫口瘡心脾積熱

大青

升麻

大黃

錢五

川連

分一

水煎三錢日二服

生地煎方

治心脾熱舌腫痛

生地汁

斤半

生白蜜

兩八

慢火煎稠含化半匙日二三

升麻湯方

治傷寒喉痛舌腫滿不能轉此上焦

心脾虛熱先針舌下兩邊出血即消後服此湯

升麻

車前

大黃

炒

甘草

錢五

生地

朴硝

三分

水煎三錢日二服

傷寒咽喉痛

論曰傷寒咽喉痛者少陰受邪邪毒壅遏於上焦微則咽喉痛甚則痛而生瘡又傷寒過經邪熱內盛薰於上焦亦令人咽喉痛各隨證治

甘草湯方 治傷寒少陰二三日咽痛

炙甘草 二兩

水煎空心分溫作四服

桔梗湯方 煎服甘草湯不瘡者更服之

桔梗 炒五錢 炙甘草 一兩

水煎分溫二服

苦酒湯方 治少陰咽喉腫痛不能言語聲不出

半夏 十四枚洗七次 雞子 一枚

將雞子去黃用白和苦酒半夏復入蛋中安火上令三四沸少少嚙之不瘡再服

半夏湯方 治少陰咽中痛

半夏 桂心 甘草 一兩

水煎放冷少少咽之

射干湯方 治咽喉塞痛咳嗽多腥氣

射干 木通 升麻一兩 片苓 甘草 元

參 桔梗炒三分

水煎五錢溫服

羚羊角湯方 治咽喉痛塞不通小便赤澀

羚羊角 升麻 木通 射干 甘草一兩

白芍五錢 生蘆根三兩

水煎五錢溫服

麥冬湯方 治咽喉壅塞小便不通氣脹口舌乾

燥

麥冬 元參 防已 大黃炒 木通

根 青竹茹 滑石五錢 甘草一分 木香半分

薑蔥水煎五錢服

連翹散方 治熱毒未解咽喉壅塞口生瘡

連翹 丹參 山梔 柴胡 川栝 惡實

五錢 白藥子三分 甘草一分

共末水煎下二錢日二服

地黃煎方 治時氣肺熱咳嗽咽痛

地黃汁半斤 白芍 元參 升麻 貝母三分

麥冬

柴胡

竹葉

一兩

白蜜

五兩

水五大鍾煎去渣入蜜汁慢煎日三服

元參湯方

治喉痛壅塞不通口苦

元參

一兩

升麻

射干

羚羊角

三分

白芍

木通

五錢

薑水煎三錢溫服

茯苓湯方

治毒氣上冲喉痛閉塞

赤茯苓

升麻

前胡

大黃

炒

羚羊角

五錢

朴硝

馬藺根

一兩

桑皮

木通

三分

水煎三錢溫服

牛黃散方

治喉痛心煩躁舌生瘡

牛黃

朴硝

甘草

一兩

白芍

山梔

升

麻

五錢

共末薑蜜煎湯放冷下一錢

犀角散方

治喉痛口舌乾燥

犀角

川連

鬱金

甘草

鉛粉

括樓

根

五錢

共末麥冬湯下二錢

升麻丸方 治臟腑虛熱毒氣攻冲咽喉腫塞急痛

生甘草 射干二兩 升麻三兩

共末牛蒡子取汁和丸如彈子大綿裹一丸含化如不成丸入蜜少許

麻黃地骨皮湯方 治頭疼身熱喉壅塞聲不出

麻黃去根節三分 附子 杏仁炒 元參 桔梗

炒 地骨皮 知母五錢 五味子三分 甘草

乾薑一兩

水煎五錢溫服

傷寒毒攻手足

論曰傷寒毒攻手足者熱勝則腫也熱毒之氣客於腑臟邪結在裏循經而出注於四肢故令人手足煩熱赤腫疼痛也

連翹湯方 治毒氣攻手足腫滿疼痛心神煩悶

連翹 麥冬 犀角 片苓 枳殼 川歸

一兩 大黃炒 木香 防風 羌活 惡實

五錢 射香一錢

共末水煎三錢溫服

虎杖湯方 治毒氣攻手足虛腫疼痛欲死

虎杖四兩

水一斗慢火煎五升漬洗手足避風寒

又方

蒼耳子五把

擣爛絞取汁漬洗手足

防已丸方 治毒氣攻四肢虛腫喘息促急

防已 葶藶 赤茯苓 百合 郁李仁五

木通 桑白皮三分 澤漆一分

共末鍊蜜丸如梧桐子大桑白皮湯下二十九

五香湯方 治毒氣攻四肢胸背虛腫

沉香 木香 薰陸香 雞舌香一分 麝香

一錢 麻黃 枳實炒 防風 秦艽 炙甘

草 獨活 萎蕤五錢 白薇三分

水煎三錢去渣入五香末一錢令沸溫服日三

鉛丹膏方 治毒氣攻冲手足虛腫

鉛丹五兩 飛過 明松香 乳香炙去油 黃蠟一兩 麝

香一分
另研

先將松香鍊化次入黃蠟化去渣入鉛丹乳末
慢煎成膏入麝香攪勻候冷用絹攤貼腫處凡
一切腫毒并宜貼此膏

